

نومرو: ۲-۷۹

اداره خانه

ایستانبول، جفال اوغلنده

دائرة اجتهاد

Idjtihad Constantinople

دوردنجی سنه

اشعار

۵ ایلول ۱۳۲۹

آبونه

حریت فکریه یه خادم

پنجشنبه کونلری چیقار اجتماعی، ادبی مجموعه

مدیر مرخص : الرامی صفا

تورکیا ایچین : ۵ غروش ۲۰ غروش
ممالک اجنبیه ایچین ۱۵ فرانق ۸ فرانق

نسخه سی ۵۰ یارم

صالح سرائی مناسبتیلہ

— سلیمان نظیف بک —

قانون تکاملک مشیمہ استحاله سندہ [Selection =
اصطفاء] دن اصطفاہ کچن (حیر عضویات) نہایت شکل
انسانیہ، دردنجی دور ژہ ٹولوزینک صوکلرنده کی صو
و آتش طوفانلری آره سندہ کیوریور .

محیطک، تأثیرات خارجہ نک، تربیہ روحیہ وفکریہ
اوزربنہ اولان نفوذی تأمل ایدیلور، بردہ شمیدی
سکونت نسیہ سنی هنوز آلهامش اولان کرہ مزک
وولقانلری، زلزله لری، طغیانلری، طیفونلری ده قالہ
آلہ جق اولورسہ، عصرلرک یکدیگریہ دور ایلدیکی
موروثات طبیعیہ مز میانندہ (وحشت مفترسہ) نک حالا
طمارلر مزی اشغال ایتکده اولماسنہ تعجب ایتہمک
لازمکلور .

زوالی بشر سینہ ارضہ، ایلک کوزینی آج دینی
آندنبری، یکدیگریک قانہ صوصامش حیوان سور -
یلمندن، جانلر یاقان، خامانلر سوندیرن دهشتلی
انفلاقردن، فورانلردن بشقہ نہ کورمش، درس شفقت
وانسانیت آلہ جق هانکی بر حادثہ کونیہ ہانکی برقافلہ
عضویہ تصادفی الیش... پنبہ سحرلرینہ مائی درینکلرینہ،
مکوک کیجہ لرینہ آلدانارق بر بوی تسلی، بر ظل حمایت
امید ایتدیکی آسمان دن بیلہ باشنہ وقت وقت ییلدیمرلر
یاغمامشی؟ ..

مایہ سندہ اکیلمز، صارصلماز جدیتدن بشقہ برشی
کورہ مدیکی، بوی وفاسرہ مدیکی بوکائناتدن آنجق بوتون
عریانلخی، بوتون ایچ یوزیلہ طانیدیغمز انساندن بشقہ
نہ میدانہ کلہ بیلور .

معالیات روحیہ نامنہ محیطمزدن، تأثیرات خارجہ دن
حالا برشی بکلر ایسہک آلدانمقدہ دوام ایش اولورز .
زیرا کائنات بزہ آنجق کندنده جاری اولان اک دقیق
حسابلری، اک محیر العقول مادی قانونلری الہام ایدہ -

کوملکک شرقیسی

انکلیز شہر اسندن «اظماس - مود» ک بر منظومہ سی

«یورغون، پیرامش پارمقلر، دوشکون، قیزارمش کوز
قابانلریلہ بر قادیں، قادینہ یاقیشمایان پاچاورالہ بورومش ایکنہ
و ایلیکی ایلہ مشغول اولیور :

دیکور، دیکور، دیکور ! وفقر و ضرورت، آجق
و پیسلاک ایچندہ دیکرکن حزن و مؤلم سسیلہ «کوملکک
شرقیسی» فی تغنی ایدیور :

«چالیش، چالیش ! بینک دونمکہ باشلانجہ بہ قدر
چالیش !

«چالیش، چالیش ! کوزلرک آغزلاشوب قارارنجہ بہ
قدر چالیش !

ڈیک، دوکوملہ، بیتیشتر ! بیتیشتر، دوکوملہ و دیک !
او وقتہ قدرکہ : نہایت دوکوملہک اوزرندہ اویقویہ دالہرق
آنلری بر رؤیا ایچندہ دیکرم !

«ای عزیز ہمشیرلہ مالک اولان انسانلر، اوخ، ای
آنہلری، زوجہلری اولان انسانلر : آرقہ کزدہ آسکیتدکلرکز
عادی قماش دکل : آنلر برر حیات بشردر !

«دیک، دیک، دیک ! فقر، آجق ولوث ایچندہ دیک !
عینی زماندہ ایکی قات ایلیک ایلہ ہم بر کفن، ہم بر کوملک
دیک !



«چالیش، چالیش، چالیش : مساعی و مزاحم اصلا
بیتن ! بونرک مکافاتی نہ ؟ صاماندن بر یاتاق، بر اُکمک
پارچہ سی، پاچاورالر، شو پارہ لامش دام، بوچیلاق تختہلر،
بر ماصہ، بر قیریق صندالیہ : و اوقدر چیلاق بردیوارکہ :
کولکہمک ہضاً اورایہ دوشدیکنہ بیلہ منتدارم !

«چالیش، چالیش، چالیش ! دونوق کانون ثانی ایشینی
ایچندہ چالیش ! هوا صیجاق و پارلاق ایکن، صاچاقلر .
دالار آلتندہ شاطر قیرلانغیج قوشلری سالانیر و کویاخی
ایلاک بہارلہ تشجیع و تہییج ایتک اوزرہ مشمس صیرتلرینی
کوستر برکن چالیش !

«اوخ، یالکز برقیصہ ساعت : نہ قدر قیصہ اولورسہ
اولسون بر وقفہ استراحت !

«عشق و امید ایچین مسعود و مقدس بر مساعدہ دکل :
لکن یالکز متألماً اولقی ایچین براز وقت !

«بر پارچہ آغلامق قلبی راحتلاندیرہ جق : لکن کوز
باشلرم طوزلی خزینہ لزندہ دورمالی : چونکہ : ہر قطرہ
ایکنہ ایلہ ایلیکک فعالیتنہ مانع اولور !

۲۲ حزیران ۱۳۲۹ - کوزتپہ

— المہ شرت سبھی —